

1320

Na osnovu člana 180. stav 7. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03 i 22/06), federalni ministar finansija-federalni ministar finansija donosi

UPUTSTVO**O NAČINU OBRAČUNAVANJA I UPLATI POSEBNE
NAKNADE ZA ZAŠTITU OD PRIRODNIH I DRUGIH
NESREĆA**

1. Ovim Uputstvom propisuje se način obračunavanja i uplate posebne naknade za zaštitu od prirodnih i drugih nesreća (u daljnjem tekstu: naknada).
2. Naknada iz tačke 1. ovog Uputstva utvrđuje se u visini 0,5% na zbirni iznos neto plaća svih zaposlenika. Naknadu obračunava i plaća poslodavac istovremeno sa isplatom neto plaća.
3. Naknada iz tačke 1. ovog Uputstva obračunava se i plaća i na primanja od druge samostalne djelatnosti i povremenog samostalnog rada u visini 0,5% na zbirni iznos isplaćenih neto primanja. Naknadu obračunava i plaća isplatilac.
4. Poslodavac i isplatilac iz tačke 2. i 3. ovog Uputstva dužni su da obračun naknade na godišnjem nivou izvrše na posebnom obrascu za obračun posebne naknade za zaštitu od prirodnih i drugih nesreća (obrazac "ZS") i isti preda nadležnoj instituciji za prijem računovodstvenih iskaza, zajedno sa obaveznim finansijskim izvještajima. Obrazac "ZS" sastavni je dio ovog Uputstva.
5. Uplata naknade vrši se na uplatne račune propisane Pravilnikom o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine ("Službene novine Federacije BiH", br. 29/06, 46/06, 8/07, 30/07, 51/07, 82/07, 97/07, 9/08, 28/08, 46/08, 48/08 i 67/08), prema sjedištu pravnog lica.
6. Nadzor nad primjenom ovog Uputstva vrši organizacijska jedinica Porezne uprave Federacije Bosne i Hercegovine na čijem području se nalazi sjedište pravnog lica.
7. Danom početka primjene ovog Uputstva, prestaje da važi Uputstvo o načinu obračunavanja i uplati posebne naknade za zaštitu od prirodnih i drugih nesreća ("Službene novine Federacije BiH", broj 44/04 i 15/08).
8. Ovo Uputstvo stupa na snagu narednog dana od dana objavljivanja u "Službenim novinama Federacije BiH", a primjenjivat će se od 1. januara 2009. godine.

Broj 03-02-7802/08
decembra 2008. godine
Sarajevo

Ministar
Vjekoslav Bevanda, s. r.

IZVJEŠTAJ
O obračunatoj i uplaćenju posebnoj naknadi
za zaštitu od prirodnih i drugih nesreća

OBRAZAC ZS

 Naziv pravnog/fizičkog lica, odnosno organa vlasti

 Identifikacijski broj obveznika naknade

 Mjesto Ulica Broj

 Djelatnost

IZVJEŠTAJ ZA _____ 200__ GODINU

Red. Br.	O P I S	A O P	I Z N O S
1	2	3	4
1	Osnovica – isplaćena neto plaća, odnosno neto isplate po ugovorima o djelu i ugovorima o vršenju privremenih i povremenih poslova		
2	Stopa iz tačke 2. Uputstva		
3	Obračunati iznos (osnovica x stopa – red. br. 1 x red. br. 2)		

U _____

 Obrazac sastavio/la

M.P.

 Odgovorno lice